

Tē Jī koàⁿ
Kitok lâi ê sī
Tē saⁿ chiuⁿ
Sèhàn sī
chi 2

Lán ū khòaⁿkìⁿ, tng tī lésu ná pekkīn tī lîmchiong ê sī, i ū chiāmchiām hiánchhut i ê sînsèng ê pìblt. Lán ū khòaⁿkìⁿ tī chêng sùtô ê tiongan, chiāmchiām ū seⁿkhí kī kah kiaⁿùi ê liāmthâu, lâi teh susiúⁿ i. Lán ū khòaⁿkìⁿ in ū sióngsiōng chheⁿkiaⁿ, chiapchhiok tiòh hitê chinlí ê chîtsut'á ê kng, iā soah siū chōchí, m̄ài in kóngkhí. Chóng sī kîsít kàu tī i kohoàh āu, seng thiⁿ kàu tī i ê êngkng ê sóchāi, koh hitê ioksok ê Sèng Sîn lîmkàu liáu, hitsī in chiah ū chápun liáukái chitê thang chheⁿkiaⁿ ê òbiāu ê ìgī. Hitsī in chiah oát trǵlái hôesiōng kah i chòhóe kaupôe hit saⁿ nī kú ê kîek, soah kîkoài hitsī in ê bákchhiu thài ē hiahnih hoe, bē hiáutit in hiānsī só bat ê tōlí, tòh sī kóng, "tō chiāⁿ jiókthé, khiākhí tī lán tiongan, ū intián kah chinlí móamóa. Koh goán bat khòaⁿkìⁿ i ê êngkng, chhinchiūⁿ kókiaⁿ, tùi pē só tit ê êngkng."

Lán kám thang ēng kiaⁿùi kah kínsīn ê thāitō lâi koh chìn chītpō? Lán sī khiā tī sèng ê tē, tī lán ê bīnchēng ū chē chēéngóan ê òbiāu tī leh. Chóng sī lán bōe jímtit bô lâi susiúⁿ i ê chēngkeng. Lán ài chīn lán ê khùilát lâi sióngsiōng i. Chitê sîntōng tùi i púnsin ê ìsek sī siáⁿkhoán?

Tiòh ē kítit, lán m̄ thang kanta sìn i ê sînsèng, iā tiòh sìn i ê jînsèng. Inūi lésu Kitok ū chiāⁿchò "chinsít" ê lāng, tūliáu tī lán sóu ê gūgōng, kòchíp, íkíp chōeok, ígōa itchhè, i sī lóng kah lán siosiang. lésu chò

第二卷
基督來 ê 時
第三章
細漢時
之二

咱有看見，當 tī 耶穌 ná 逼近 tī 臨終 ê 時，伊有漸漸顯出伊 ê 神聖 ê 祕密。咱有看見 tī 眾使徒 ê 中間，漸漸有生起奇異 kah 驚畏 ê 念頭，來 teh 思想伊。咱有看見 in 有常常生驚，接觸 tiòh hitê 真理 ê 一屑 á ê 光，也 soah 受阻止，m̄ ài in 講起。總是其實到 tī 伊 koh 活後，升天到 tī 伊 ê 榮光 ê 所在，koh hitê 約束 ê 聖神臨到了，hit 時 in chiah 有十分了解 chitê thang 生驚 ê 奧妙 ê 意義。Hit 時 in chiah oát 轉來回想 kah 伊做伙交陪 hit 三年久 ê 記憶，soah 奇怪 hit 時 in ê 目 chiu thài 會 hiahnih 花，bē 曉得 in 現時所 bat ê 道理，tòh 是講：「道成肉體，khiā 起 tī 咱中間，有恩典 kah 真理滿滿。Koh 阮 bat 看見伊 ê 榮光，親像孤 kiáⁿ, tùi 父所得 ê 榮光。」

咱 kám thang 用 驚畏 kah 謹慎 ê 態度來 koh 進一步？咱是 khiā tī 聖 ê 地，tī 咱 ê 面前有 chē chē 永遠 ê 奧妙 tī leh。總是咱 bōe 忍得無來思想伊 ê 情景。咱 ài 盡咱 ê 氣力來想像伊。Chitê 神童 tùi 伊本身 ê 意識是啥款？

Tiòh ē 記得，咱 m̄ thang kanta 信伊 ê 神聖，也 tiòh 信伊 ê 人性。因為耶穌基督有成做「真實」ê 人，除了 tī 咱所有 ê 愚 gōng、固執，以及罪惡，以外一切，伊是 lóng kah 咱相 siāng。耶穌做 gín'á 是做人類 ê 一个 gín'á。咱

gín'á sī chò jînlūi ê chítê gín'á. Lán teh kîkoài, m̄ chai kàu tîsî lésu chiah khíthâu lâi hiánbêng i sôu ê khah kosióng ê ìsek? Kàu tîsî i chiah ū kámkak tiòh tī i ê simlāi sôu hitê bē tàng kóngchhut ê chhimchhim ê lêngkài ê ìsek? Siôngsiông tī i ê gín'á sim ê kító ê sî, ū tit tiòh chitsut'á ê àmsī lâi bêngpék i só hutliók khi ê úitāi ê sū, íkíp kngbêng kah bílê ê sèkài ê kenggiām, tòh sī chhiauoát tī tē bīn só bat kenggiām ê. Hitsī m̄ chai tī i ê simlāi ū seⁿchhut kiaⁿùi ê liāmthâu á bô? lésu iáu chò gín'á ê sî, m̄ chai bat teh siūⁿ i sī siáng, kám bat teh chhìkhòⁿ ài beh liáu^{kái} i ê thianhūn kah i lîmkàu sèkan ê bóktek?

Lán chai i chiáⁿchò láng, tòh sīu chiapláp jînlūi iúhān ê khùilát, sói i tī chítê'á ū sitlòh i ê chinsit ê uigiām, bô chápun ē kítit hitê éngoán ê sèkài. Nā bôanne, i sī bē tàng chiáⁿchò "chinsit" ê láng. Tùi tī chittiam, lán tōabīn iáu ē thang soatbêng khah siôngsè chitsut'á. Tī kin'ájit ê simlí hák, ū chít tiâu simsek ê háksoat, kiòchò chiámchāi ìsek, tùi á^{nne} ū chísī lán chai, lésu ê sînsèng ê pìkoat ū chiámchāi tī i ê pòⁿ chhéⁿ ê chengsîn chōngthāi. Putkò i pêngsiông chhéⁿngō^ē ìsek, sī chítê chūjiân láng ê gín'á ê ìsek. Tī chit kúi nī lâi, hákchiá putchiū kángkiū lán láng ê pòⁿìsek ê chengsîn hiānsiōng, chaiiáⁿ tī hit khoán ê chengsîn hiānsiōng ê ēbīn, ū chekchū chē chē só bē kítit khi ê kìek tī leh, iā hiahê kìek khah siông nā tú tiòh thútjiân ê chhìkek ê sî, tòh sūi hāng sūi hāng koh phū khí lâi tī lán ê ìsek ê lāitiong, kohchài chít hāng chít hāng lâi siūⁿ tiòh. Lán bat thák tiòh ū siáⁿmih gín'á phah m̄ kîⁿ, hō chhát á sī sònghiongláng thau chhōa khi, chòhóe tiàm itjī cháp nī kú, tī hit tiongan, tàkpái nā tú tiòh chin tōa ê chhìkek ê sî, khah siông ē seⁿkhí bô gōa hunbêng ê ìsek, lâi siókhóa ē

teh 奇怪, m̄知到 tī 時耶穌 chiah 起頭來顯明伊所有 ê khah 高尚 ê 意識? 到 tī 時伊 chiah 有感覺 tiòh tī 伊 ê 心內所有 hitê bē tàng 講出 ê 深深 ê 靈界 ê 意識? 常常 tī 伊 ê gín'á 心 ê 祈禱 ê 時, 有得 tiòh 一屑 á ê 暗示來明白伊所忽略去 ê 偉大 ê 事, 以及光明 kah 美麗 ê 世界 ê 經驗, tòh 是超越 tī 地面所 bat 經驗 ê. Hit 時 m̄知 tī 伊 ê 心內有生出 驚畏 ê 念頭 á 無? 耶穌猶做 gín'á ê 時, m̄知 bat teh 想伊是 siáng, kám bat teh 試看 ài beh 了解伊 ê 天分 kah 伊臨到世間 ê 目的?

咱知伊成做人, tòh 是有接納人類有限 ê 氣力, 所以伊 tī chítê'á 有失落伊 ê 真實 ê 威嚴, 無十分 ē 記得 hitê 永遠 ê 世界. 若無 á^{nne}, 伊是 bē tàng 成做「真實」ê 人. Tùi tī chit 點, 咱大面猶 ē thang 說明 khah 詳細一屑 á. Tī 今 á 日 ê 心理學, 有一條心適 ê 學說, 叫做潛(chiām)在意識, tùi á^{nne} 有指示咱知, 耶穌 ê 神聖 ê 祕訣有潛在 tī 伊 ê 半醒 ê 精神狀態. 不過伊平常醒悟 ê 意識, 是一個自然人 ê gín'á ê 意識. Tī chit 幾年來, 學者不止有講究咱人 ê 半意識 ê 精神現象, 知影 tī hit 款 ê 精神現象 ê 下面, 有積聚 chē chē 所 bē 記得去 ê 記憶 tī leh, 也 hiahê 記憶 khah 常若 tú tiòh 突然 ê 刺激 ê 時, tòh 隨項隨項 koh 浮起來 tī 咱 ê 意識 ê 內中, koh 再一項一項來想 tiòh. 咱 bat 讀 tiòh 有啥物 gín'á phah m̄ 見, hō 賊 á 是 sòng 鄉人偷 chhōa 去, 做伙 tiàm 一二十年久, tī hit 中間, tàkpái 若 tú tiòh 真大 ê 刺激 ê 時, khah 常會生起 無 gōa 分明 ê 意識, 來小 khóa ē 記得 早前伊 ê 高尚 ê 家庭, súisúi ê 環境, 以及 hitê 無 gōa 分明 ê 老母 ê 面貌. Kíámchháí khiā 起 tī 拿撒勒 chítê 神童

kìtit cháchêng i ê kosióng ê katêng, súisúi ê khoânkêng, íkíp hitê bô gōa hunbêng ê lāubú ê bīnmāu. Kíámchháí khiākhí tī Nachaliát chitê sīntông lésu ê ìsek, sitchāi ū tāmphōh chhinchhiūⁿ ánnē ê khólêng.

Lán iôngún chit khoán ê siatsióng, m̄ thang phahsng sī bô kèngkhiân ê sū. Putkò lán tekkhak sī m̄ káⁿ koh siuⁿ chìnchêng lâi kóngkhísíáⁿmih.

Bôlūn siáⁿ khoán, Hokimsu só kì suisī chió, iáukoh lán biánkiaⁿ lâi chhìkhòàⁿ biāusíá i sèhàn ê chêngkêng, sòà lâi síongsiōng hitê khoánsit. Lán thang tui lán só bat i ê khoânkêng lâi kángkiù, sòà ēng kèngkhiân ê liāmthâu lâi síongsiōng. Siatsú lán nāē khah koansim i tīāulâi só kóng ê òe, tòh ē chhōē tiòh chē chē sī i teh hôesióng i sèhàn ê sūsít.

Chhiáⁿ seng lâi siūⁿ Nachaliát, chitê Nachaliát tòh sī i ê kòhiong, sī tī tē bīn chiūⁿ tē it sīnsèng ê sóchāi, sī i ê sèhàn íkíp siàuliân sītāi itchhè ê kèk pōekéng. Tui chènglâng putsī to hiánbêng i sī Nachaliát ê lésu. Tī sīpjìkè téng só tèng ê chám-tiâu iā sī chhenghó i sī Nachaliát ê lésu; i tui thiⁿ nih chhuthiān lâi hō Tàsoh ê Sàulô khòàⁿkìⁿ, hitsī iā sī kóng, "góa tòh sī Nachaliát ê lésu, lí só pekhāi ê."

耶穌 ê 意識，實在有淡薄親像 ánnē ê 可能。

咱容允 chit 款 ê 設想，m̄ thang phah 算是無敬虔 ê 事。不過咱 tek 確是 m̄ 敢 koh siuⁿ 進前來講起啥物。

無論啥款，福音書所記雖是少，iáukoh 咱免驚來試看描寫伊細漢 ê 情景，續來想像 hitê 款式。咱 thang tui 咱所 bat 伊 ê 環境來講究，續用敬虔 ê 念頭來想像。設使咱若會 khah 關心伊 tī 後來所講 ê 話，tòh 會 chhōē tiòh chē chē 是伊 teh 回想伊細漢 ê 事實。

請先來想拿撒勒，chitê 拿撒勒 tòh 是伊 ê 故鄉，是 tī 地面上第一神聖 ê 所在，是伊 ê 細漢以及少年時代一切 ê 記憶背景。Tui 眾人不時 to 顯明伊是拿撒勒 ê 耶穌。Tī 十字架頂所釘 ê 斬條也是稱呼伊是拿撒勒 ê 耶穌；伊 tui 天裡出現來 hō 大數 ê 掃羅看見，hit 時也是講，「我 tòh 是拿撒勒 ê 耶穌，你所迫害 ê。」